



14/2/74

PLEASE DO NOT REMOVE
CARDS OR SLIPS FROM THIS POOL

UNIVERSITY OF TORONTO LIBRARY

DS Yao, P'ei-ch'ien
735 T'ung chien lan yao
A2Y36
1761
v.5-6


East Asia

正編

卷六 起漢章帝建初元年
卷七 至魏咸熙吳元興元年

通鑑肇要







通鑑肇要卷六 正編

雲間 張景星二銘 同錄

姚培謙平山

同學汪 福葵忱參閱

肅宗孝章皇帝

諱烜明帝第五子母賈貴人在位十三年

建初元年春正月詔二千石勸農桑慎
選舉順時令理冤獄

時吏尚嚴切尚書陳寵上疏曰爲政猶張琴瑟大弦急者小弦絕陛下宜蕩滌煩苛之法以濟羣生全廣至德帝深納寵言

關寵敗沒段彭擊車師匈奴走車師復降
罷都護及戊己校尉官班超留屯疏勒

時校書郎楊終上疏請罷邊兵曰秦築長城功役繁興胡亥不革卒亡四海故孝元棄珠厓之郡光武絕西域之國不以介鱗易我衣裳帝從之徵還班超超將發還疏勒憂恐其都尉黎弇曰漢使棄我我必復爲龜茲所滅以刀自剄至

于寘王侯以下皆號泣抱超馬脚不得
行超亦欲遂其本志乃還疏勒○疏勒
西域
國名

丁丑二年夏四月大旱

帝欲封爵諸舅太后不聽會大旱言事
者以爲不封外戚之故太后詔曰凡言
事者皆媚吾以要福昔王氏五侯同日
俱封黃霧四塞不聞澍雨之應外戚貴
盛鮮不傾覆帝乃止馬廖慮美業難終
上疏曰夫改政移風必有其本傳曰吳
王好劍客百姓多創瘢楚王好細腰官
中多餓死長安語曰城中好高髻四方

通鑑卷之二十一
高一尺城中好廣眉四方且半額城中
好大袖四方全正帛斯言如戲有切事
實太后深納之。廖太后兄
創讀曰瘡刀所傷也癰痕也

己卯四年冬十一月詔諸儒會白虎觀議五

經同典

帝親稱制臨決作白虎議
奏丁鴻班固等皆與焉

辛巳六年秋七月以廉范爲蜀郡太守

成都舊制禁民夜作以防火災范乃毀
削先令但嚴使儲水百姓以爲便歌曰

廉叔度來何暮不禁火民安作苦無儒
今五袴。范字叔度作則護反襦短衣
壬午七年夏六月廢太子慶爲清河王立子

肇爲皇太子

先是宋貴人生子慶梁貴人生子肇實
皇后無子養肇爲己子謀陷宋氏誣言
欲爲厭勝之術
乃廢慶而立肇

癸未八年春正月下梁竦獄殺之

太子肇立梁氏私相慶皇后以是忌梁
貴人數譖之諸竇遂作飛書陷竦以惡

逆竦死獄中。梁貴人亦
以憂死。○飛書匿名書

甲申元和元年冬十一月賜毛義鄭均穀各

千斛

義均皆以行義稱於鄉里。南陽張奉慕
義名往候之。坐定而府檄適至。以義守
安陽令。義奉檄而入。喜動顏色。奉心賤
之。後義母死。徵辟皆不至。奉乃歎曰。賢
者固不可測。往日之喜。乃爲親屈也。均
兄爲縣吏。頗受禮遺。均諫不聽。乃脫身
爲傭。歲餘得錢帛歸。以與兄曰。物盡可
復得。爲吏坐贓終身損棄。兄感其言。遂

爲廉潔均仕爲尚書○有詔
召之曰徵郡國舉擢曰辟

乙酉 二年春二月帝東巡

行過任城幸鄭均舍賜尚書祿
以終其身時人號爲白衣尚書

耕於定陶三月至魯祠孔子

帝祠孔子及七十二弟子於闕里大會
孔氏男子六十二人帝謂孔僖曰今日
之會寧於卿宗有光榮乎對曰臣聞明
王聖主莫不尊師貴道今親屈萬乘此
乃崇禮先師增輝聖德非臣家之私榮
也帝大笑曰非聖者子孫焉有斯言乎

非僖
郎中

丙戌

三年夏五月司空倫罷以袁安爲司空

第五倫以老病乞身倫奉公盡節在位以貞白稱或問倫曰公有私乎對曰昔人有與吾千里馬者吾雖不受每三公有所選舉心不能忘而亦終不用也吾兄子病一夜十往退而安寢吾子有疾雖不省視而竟夕不眠豈可謂無私乎安爲人嚴重時大雪積地洛陽令出案行至安門無有行路謂安已死令人除雪入戶見安僵臥問何以不出安曰大雪人皆餓不宜干人令以爲賢舉爲孝

廉拜楚郡太守案獄出囚百餘家爲河南尹政號嚴明常曰凡學仕者高則望宰相下則希牧守鍾人於聖世尹所不忍爲也至是代倫爲司空

詔侍中曹褒定漢禮

博士曹褒請著漢禮班固以爲宜廣集諸儒共議得失帝曰諺言作舍道傍三年不成會禮之家名爲聚訟昔堯作大章一夔足矣乃拜褒侍中

戊子章和二年春正月帝崩太子卽位

年十歲

三月太后臨朝

冬十月侍中竇憲殺都鄉侯暢太后以憲
爲車騎將軍使擊北匈奴以贖罪

初憲恃官掖勢以賤直奪沁水公主園
帝召憲切責曰何用愈趙高指鹿爲馬
久念使人驚怖國家棄憲如孤雛腐鼠
耳皇后爲毀服深謝乃得解時憲內幹
機密暢來弔國憂憲懼分宮省之權遣
客刺殺暢太后怒閉憲於內宮時北匈
奴饑亂憲因自求擊北匈奴以贖罪太
后從之○沁水公主明帝女用猶以也
愈猶差也孤雛腐鼠
言棄捨之易幹主也

孝和皇帝

諱肇肅宗第四子母梁貴人在位十七年

己丑永元元年夏六月竇憲擊北匈奴大破之登燕然山刻石勒功而還

憲與耿秉出朔方雞鹿塞與北單于戰于稽落山大破之單于遁走出塞三千餘里登燕然山命中護軍班固刻石勒功紀漢威德而還乃以憲爲大將軍

壬辰四年夏六月大將軍竇憲伏誅

竇氏父子兄弟充滿朝廷遂與其黨郭舉等謀逆帝以朝臣莫不附憲獨中常

侍鄭衆謹敏有心機不事豪黨遂與衆
議誅憲詔執金吾五校尉勒兵屯衛南
北宮閉城門收憲大將軍印綬迫令自
殺竇氏宗族賓客皆免歸班固死獄中
固嘗著漢書未就詔固
女弟曹壽妻昭踵成之

以宦官鄭衆爲大長秋

帝策勲班賞衆每辭多受少帝賢之常
與之議論政事宦官用權自此始矣

丁酉九年秋閏八月皇太后竇氏崩冬十月

追尊梁貴人爲恭懷皇太后

初梁貴人既死宮省事秘莫有知帝爲
梁氏出者舞陰公主子梁扈奏記三府
求得中議太尉張酺言狀帝感慟良久
會貴人姊上書自訟乃知貴人在歿之
狀三公請奏貶竇太后帝以臣子無貶
尊上文乃追尊母梁貴人封梁竦三子
爲侯梁氏
自此盛

壬寅十四年夏六月徵班超還京師

超家貧爲官傭書以供養常投筆歎曰
大丈夫當立功異域以取封侯安能久
事筆墨間乎後爲西域都護西域悉納
質內屬封定遠侯至是年老乞歸上疏

曰臣不敢望到酒泉郡但願生入玉門
關乃微超還以任尚代爲都護尚請教
超曰蠻夷懷鳥獸之心難養易敗君性
嚴急水清無大魚察政不得下和宜蕩
佚簡易寬小過總大綱尚私謂所親我
以班君常有奇策今所言平平耳超諄
卒尚後竟失邊和○佚音
迭蕩佚寬大舒緩之意

冬十月立貴人鄧氏爲皇后

帝每欲官爵鄧氏后輒哀請謙讓故兄
隱終帝世不過中郎將○后鄧禹子訓
之女

乙巳元興元年冬十二月帝崩太子隆卽位

帝生始百餘日迎立以爲太子卽位

太后臨朝

孝殤皇帝

諱隆和帝少子在位一年

丙午延平元年秋八月帝崩太后迎清河王祐入卽位太后猶臨朝

恭宗孝安皇帝

諱祐肅宗孫清河孝王慶子母左姬在位十九年

通鑑纂要卷之八
丁未永初元年夏五月以魯恭爲司徒

初肅宗集諸儒於白虎觀恭以明經得名待詔公車拜中牟令螟不犯境化及鳥獸豎子有仁心至是代梁鮪爲司徒

戊申二年冬十一月徵鄧騭爲大將軍

騭推進賢士弘農楊震孤貧好學通達博覽諸儒語曰關西孔子楊伯起騭聞而辟之累遷荊州刺史震舉荊州茂才王密爲昌邑令夜懷金遺震震曰故人知君君不知故人何也密曰暮夜無知者震曰天知地知我知子知何謂無知

者子孫嘗蔬食步行或欲令爲開產業
震曰使後世稱爲清白吏子孫以此遺
之不亦
厚乎

庚戌四年春正月以虞詡爲朝歌長討縣境

羣盜平之

時朝歌賊數千人攻殺長吏連年不能
禁鄧騭惡詡乃以爲朝歌長故舊皆弔
之詡笑曰不遇盤根錯節無以別利器
到官設三科以募壯士攻劫者爲上傷
人偷盜者次之不事家業者爲下收得
百餘人貫其罪使入賊中誘令劫掠乃

伏兵待之遂殺賊數百人又潛遣貧人能縫者傭作賊衣以采線縫其裾有出市里者吏輒擒之賊繇是駭散縣境皆平

乙卯元初二年冬以虞詡爲武都太守擊羗破之

太后以詡爲武都太守羗衆數千遮詡於陳倉峭谷詡卽停車不進宣言上書請兵須到當發羗聞之乃分鈔傍縣詡因其兵散日夜進道兼行百餘里令吏士各作兩竈日增倍之羗不敢逼或問曰孫臏減竈而君增之兵法日行不過

三十里而今日行二百里何也詡曰虜衆多吾兵少徐行則易爲所及速進則彼所不測虜見我竈日增必謂郡兵來迎衆多行速必憚追我孫臏見弱吾今示強勢有不同也旣到郡兵不滿三千而羌衆萬餘攻圍赤亭數十日詡乃令軍中彊弩勿發潛發小弩羌以爲矢力弱不能至并兵急攻詡於是使二十彊弩共射一人發無不中羌大震退詡悉陳其兵衆令從東郭門出北郭門入貿易衣服回轉數周羌不知其數更相恐動詡計賊當退乃設伏掩擊大破之賊繇是敗散一郡遂安

辛酉建光元年夏封宦者江京李閏皆爲列侯

京閏與中常侍樊豐等及帝乳母王聖女伯榮出入宮掖傳通姦賂司徒楊震上疏曰臣聞政以得賢爲本治以去穢爲務方今九德未事嬖倖充庭宜速出阿母令居外舍斷絕伯榮莫使往來不省

壬戌延光元年冬汝南黃憲卒

憲字叔度世貧賤父爲牛醫荀淑遇憲於逆旅時年十四淑異之與語移日謂

憲曰子吾之師表也。既而至袁閔所。問曰：子國有顏子，寧識之乎？閔曰：見吾叔度耶？時同郡戴良，才高倨傲，見憲未嘗不正容及歸。罔然若有失也。其母問曰：汝復從牛醫兒來耶？對曰：良不見叔度，不自以爲不及。旣覩其人，固難得而測矣。同郡陳蕃、周舉嘗相謂曰：時月之間，不見黃生，則鄙吝之萌，復存乎心矣。太原郭泰過閔，不宿而退，往從憲，累日方還。或問之，泰曰：奉高之器，譬諸沈澁，雖清而易挹。叔度汪汪若千頃陂，澄之不清，淆之不濁，不可量也。憲初舉孝廉，又辟公府，暫到京師，卽還。年四十八終。天下號曰徵君。○閔一作閔，奉高閔字側。

出沆泉止出監泉

沆音軌濫音檻

甲子三年春三月策收太尉震印綬震自殺

中常侍樊豐等屢譖楊震帝遣使者策收震太尉印綬遣歸故鄉至城西夕陽亭乃慷慨曰死者士之常分吾蒙恩居上司疾奸臣狡猾而不能誅惡嬖女傾亂而不能禁何面目復見日月因飲鴆而卒

乙丑四年春三月帝崩太后臨朝迎北鄉侯

懿入卽位

太后欲久專國政貪立幼年與閹顯等
定策禁中迎章帝孫濟北惠王子懿卽
位○濟北惠王名壽章
帝第五子申貴人所生

冬十月北鄉侯薨○十一月中黃門孫程
等迎濟陰王保入卽位誅閹顯等遷太后
於離宮封程等十九人爲列侯

孝順皇帝

諱保安帝子母李氏在位十九年

丙寅 永建元年秋七月以左雄爲尚書

僕射虞詡上疏曰方今公卿以下類多拱默以樹恩爲賢盡節爲愚至相戒曰白璧不可爲容容多後福伏見議郎左雄有王臣蹇蹇之節宜擢在喉舌之官必有匡弼之益繇是拜雄尚書○容容隨衆上下也

丁卯二年秋七月以處士黃瓊爲議郎

時徵瓊將至李固以書逆遣之曰君子謂伯夷隘柳下惠不恭不夷不惠聖賢居身之所珍也語曰曉曉者易缺皦皦者易汙盛名之下其實難副俗論皆言者易汙盛名之下其實難副俗論皆言處士純盜虛聲願先生宏此遠謨令衆人歎服一雪此言耳瓊至拜議郎數上

疏言事帝頗採用之固司徒郃之子少
好學常改易姓名負笈從師不遠千里
究覽墳籍爲世大儒每到太學密入公
府定省父母不令同業諸生知其爲郃
子也○曉與曉通曉曉太堅易爲玷缺
皦皦太白易爲穢汗笈音及書箱也

壬陽嘉元年春正月立貴人梁氏爲皇后

冬立孝廉限年課試法

左雄上言自今孝廉年不滿四十不得
察舉皆先詣公府諸生試家法文吏課
牋奏○諸儒各謂其師說爲家法

癸酉二年春正月封乳母宋娥爲山陽君

帝之立也娥與其謀故封之左雄諫不聽

夏四月京師地拆詔引敦樸士對策

李固對曰宋阿母雖有功勤但加賞賜足酬其勞裂土開國實垂舊典梁氏子弟羣從宜令還居黃門之官使權去外戚政歸國家又詔書所以禁侍中尚書中臣子弟不得爲吏察孝廉者以其秉威權容請託也而中常侍在日月之側聲勢震天下子弟祿仕曾無限極詔僞之徒望風進舉今可爲設常禁同之中

臣陛下之有尚書猶天之有北斗爲
天喉舌尚書爲陛下喉舌宜擇其人以
毗聖政又宜罷退宦官去其權重帝覽
對以固爲第一卽時出阿母還舍諸常
侍悉叩頭謝罪朝廷肅然而阿母宦者
皆疾之詐爲飛章以陷其罪事從中下
出爲洛令棄
官居漢中

丁丑永和二年冬十月徵處士法真不至

扶風法真博通內外學隱居不仕帝四
徵不屈友人郭正稱之曰真名可得聞
身難得見逃名而名我隨避名
而名我追可謂百世之師者矣

辛巳六年秋八月大將軍梁商卒以梁冀爲大將軍不疑爲河南尹

不疑冀之弟

壬午漢安元年秋八月遣八使分行州郡

遣杜喬周舉周栩馮羨欒巴張綱郭遵劉班分行州郡表賢良顯忠勤其貪污有罪者刺史二千石驛馬士之墨綬以下便輒收舉喬等受命之部綱獨其車輪於雒陽都亭曰豺狼當道安問狐狸遂劾奏梁冀不疑無君之心十五事帝雖知綱言直不能用也

○千石六百石墨綬三采

以張綱爲廣陵太守

梁冀恨綱思有以中傷之時廣陵賊張
嬰寇亂揚徐間積十餘年乃以綱爲廣
陵太守綱單車徑詣嬰壘門以書諭嬰
嬰率所部歸降論功當封冀遏之在郡
一歲卒時冀州刺史蘇章有故人爲清
河太守章行部欲案其姦賍乃爲設酒
甚歡太守喜曰人皆有一天我獨有二
天章曰今夕蘇孺文與故人飲者私恩
也明日冀州刺史案事者公法也遂舉
正其罪○壘門軍之壁門也孺文章字

癸未
二年冬十一月增孝廉爲四科

尚書令黃瓊以左雄所上孝廉之選專用儒學文吏於取士之義猶有所遺乃奏增孝悌及能從政者爲四科帝從之

甲申建康元年夏四月立皇子炳爲太子

太子居承光宮帝使侍御史种暲監其家中常侍高梵從中單駕出迎太子暲 hands 劍當車曰太子國之儲副今常侍來無詔信何以知非姦耶梵辭屈不敢對馳還奏之詔報太子乃得去帝亦嘉其持重

秋八月帝崩太子炳卽位

時年二歲

太后臨朝。以李固爲太尉。錄尚書事。

九月地震。詔舉賢良方正之士策問之。

皇甫規對曰。陛下攝政之初。而災異不息。殆以姦臣權重之所致也。其常侍尤無狀者。宜亟黜遣。大將軍冀。河南尹。不疑。亦宜增修謙節。夫君者舟也。民者水也。羣臣乘舟者也。將軍兄弟操楫者也。若其平志畢力以度元元。所謂福也。如其怠弛。將淪波濤。可不慎乎。夫德不稱祿。猶鑿墉之趾。以益其高。豈安固之道哉。冀以規爲下第。○度。濟也。

孝冲皇帝

諱炳順帝子母虞貴人在位一年

乙酉永嘉元年春正月帝崩

徵清河王蒜及渤海孝王子纘至京師大將軍冀白太后迎纘入卽位罷蒜歸國

蒜纘皆章帝曾孫蒜爲人嚴重動止有法度公卿皆歸心焉而纘年八歲李固謂梁冀曰立帝宜擇長年有德任親政事者冀不從與太后定策迎纘罷蒜

孝質皇帝

諱纘章帝玄孫渤海孝王子母陳夫人在位一年

丙戌本初元年夏閏六月大將軍冀進毒弑
帝白太后策免太尉固迎蠡吾侯志入卽
位太后猶臨朝

帝少而聰慧嘗因朝會目梁冀曰此跋
扈將軍也冀深惡之使左右置毒於煮
餅以進帝暴崩議立嗣李固杜喬皆欲
立清河王蒜冀白太后策免固迎蠡吾
侯志卽皇帝位時年十五太后猶臨朝
聽政○跋扈猶言彊梁扈竹籬以候魚
者水退小魚獨畱大
者跳跋籬扈而出

孝桓皇帝

諱志章帝曾孫平原王翼子母區氏在位二十二年

丁建和元年夏六月以杜喬爲太尉

自李固之廢內外喪氣唯喬正色無所回撓朝野皆倚望焉

冬十一月貶清河王蒜爲尉氏侯徙桂陽

蒜自殺下李固杜喬獄殺之

時清和劉文等謀立蒜事覺蒜坐貶徙自殺梁冀誣固喬與文交通收固下獄門生王調等數十人詣闕通訴太后詔赦之冀恐終爲已害乃更奏前事從事

中郎馬融爲作章表長史吳祐謂融曰
李公之罪成於卿手李公若誅卿何面
口視天下人固遂死獄中收繫喬亦死
獄中黃暴固喬尸令有敢臨者加其罪
固弟子郭亮輩班喬故掾楊匡詣
關上書竝乞二公骸骨太后許之

巳丑三年秋九月前朗陵侯相荀淑卒

淑嘗舉賢良對策譏刺貴幸梁冀忌之
出爲朗陵相治事明治稱爲神君有子
八人儉緝靖壽注爽肅專並有名稱時
人謂之八龍李膺性簡亢惟以淑爲師
爽嘗謁膺因爲其御旣還喜曰今日乃
得御李君矣陳實詣淑元方將車李方

持杖後從長文尚小載著車中既至荀
使叔慈應門慈明行酒餘六龍下食文
若亦小著鄒前於時德星聚太史奏五
百里賢人聚元方子長文與季方子孝
先各論其父功德爭之不能決咨於太
邱太邱曰元方難爲兄季方難爲弟○
元方名紀實長子季方名謨實次子長
文名羣孝先名忠叔慈靖字慈明爽字
實爲太

邱長

辛卯元嘉元年春正月朔尚書張陵劾大將
軍冀罪詔以俸贖

羣臣朝賀冀帶劍入省陵叱出敕羽林
虎賁奪劍卽劾奏冀請廷尉論罪詔以
一歲俸贖河南尹不疑嘗舉陵孝廉謂
曰舉君適所以自罰也陵曰明府不以
陵不才誤見擢序今申公
憲以報私恩不疑有愧色

癸巳永興元年秋七月河溢民饑以朱穆爲

冀州刺史尋徵下獄輸作左校

穆奏劾諸郡貪汙者有至自殺或死獄
中宦者趙忠喪父歸葬僭爲玉匣穆下
部案驗吏發墓剖棺出之帝聞大怒徵
穆詣廷尉輸作左校太學生劉陶等數

千人詣闕上書願黜首繫趾代穆校作
帝乃赦之○輸作左校謂輸贖工作於
左校中也

丙申永壽二年秋以韓韶爲羸長

泰山鄉郛賊公孫舉等聚衆寇青兗徐
州討之連年不克尚書選能治劇者以
韶爲羸長賊聞其賢相戒不入羸境韶
與同郡荀淑鍾皓陳實皆嘗爲縣長所
至以德政稱時人
謂之潁川四長

己亥延熹二年秋八月大將軍梁冀伏誅

以黃瓊爲太尉

梁氏七侯三后六貴人三大將軍尚公
主者三人卿相尹校五十七人冀專擅
威柄凶恣口積崔琦作外戚箴以諷冀
冀殺之帝與中常侍單超左悺定議
超臂出血爲盟使黃門令貝瑗等將兵
圍冀第冀及妻孫壽皆自殺悉收梁氏
孫氏無長少皆棄市封超等五人爲列
侯○五侯唐衡單超左悺徐璜貝瑗

時新誅梁冀天下想望異政瓊首居公
位乃舉奏州郡貪汙死徙十餘人辟汝
南范滂滂少厲清節嘗爲清詔使按察
冀州登車攬轡慨然有澄清天下之志

守令臧汙者皆
望風解印綬去

徵處士徐穉姜肱袁閎韋著李曇皆不至

尚書令陳蕃薦五處士帝悉以安車立
纁徵之皆不至穉豫章人家貧嘗自耕
稼非其力不食恭儉義讓蕃以禮請署
功曹穉旣謁而退蕃性方峻不接賓客
穉來特設一榻去則懸之穉嘗爲黃瓊
所辟不就及瓊卒歸葬穉乃負糧徒步
到江夏赴之設雞酒薄祭哭畢而去不
告姓名時會者四方名士郭林宗等數
十人聞之疑其穉也乃選能言語生茅
容追之及於塗容爲設飲共言稼穡之

事臨訣去謂容曰爲我謝林宗大樹將
顛非一繩所維何爲栖栖不遑寧處及
林宗有母憂擗往弔之置生芻一束於
廬前而去衆怪不知其故林宗曰此必
南州高士徐孺子也詩不云平生芻一
束其人如玉吾無德以堪之也肱彭城
人與二弟仲海季江俱以孝友著聞嘗
夜遇盜弟兄爭死盜兩釋焉閔汝南人
苦身修節以耕學爲業著京兆人隱居
講授曇顓川人繼母酷烈能奉之謹帝
又徵安陽魏桓其鄉人勸之行桓曰夫
干祿求進所以行其志也今後宮千數
其可損乎廐馬萬匹其可減乎左右權
豪其可去乎使桓生行死歸於諸子何

有哉遂隱身不出。

林宗泰字孺子穉字

封宦者侯覽等爲列侯殺白馬令李雲弘

農掾杜衆

梁冀旣誅權歸宦官五侯尤貪縱傾動內外時災異數見雲露布上書帝怒逮雲送獄衆傷雲以忠諫獲罪上書願與雲同死帝愈怒并下之獄皆死獄中黃瓊上疏曰陛下卽位以來未有勝政諸梁秉權豎宦充朝李固杜喬旣以忠言橫見殘滅而李雲杜衆復以直道繼踵受誅海內傷懼益以怨結書奏不省。

露布謂
不封也

冬十月以爰延爲五官中郎將

帝問延朕何如主對曰中主帝曰何以言之對曰尚書令陳蕃任事則治中常侍黃門與政則亂是以知陛下可與爲善可與爲非帝曰敬聞闕矣

辛丑四年秋九月以劉寵爲司空

寵拜會稽太守簡除煩苛郡中大治徵爲將作大匠山陰縣有五六老叟人齎百錢送寵曰自明府下車以來狗不夜吠民不見吏今聞當見棄去故自扶奉

送寵爲人選

一大錢受之

乙巳八年夏五月太尉秉卒

楊秉清白寡欲嘗稱我
有三不惑酒色財也

秋九月以李膺爲司隸校尉

小黃門張讓弟朔爲野王令貪殘無道
畏膺逃還京師匿於兄讓第舍藏於台
柱中膺率吏卒破柱取朔殺之自此諸
黃門皆鞠躬屏氣時朝綱頽弛而膺獨
持風裁士有被其容接者名
爲登龍門云○合柱夾壁也

以劉寬爲尚書令

寬歷典三郡溫仁多恕吏民有過但用蒲鞭罰之示辱而已

丙午九年秋七月殺南陽太守成瑨太原太

守劉瓚捕司隸校尉李膺太僕杜密部黨二百餘人下獄遂策免太尉蕃

時小黃門趙津南陽大猾張汜等奉事
中官乘執犯法瓚瑨考案其罪雖經赦
令而並竟考殺之宦官怨恚有司承旨
遂奏瓚瑨罪當棄市陳蕃諫不納司寇

論刑璫璫竟死獄中河內張成善風角
推占當赦教子殺人膺收捕逢宥竟按
殺之宦官教成弟子牢修上書告膺等
養太學遊士共爲部黨誹訕朝廷疑亂
風俗於是帝震怒班下郡國逮捕黨人
案經三府蕃郤之曰今所考案皆海內
人譽憂國忠公之臣此等猶將十世宥
也豈有罪名不章而致收掠者乎不肯
平署帝愈怒遂下膺等於黃門北寺獄
辭連杜密陳翔陳實范滂之徒二百餘
人或逃遁不獲皆懸金購募使者四出
實曰我不就獄衆無所恃乃往請囚滂
至獄獄吏謂曰凡坐繫者皆祭臯陶滂
曰臯陶古之直臣知滂無罪將理之帝

如其有罪祭之何益蕃復上書極諫帝
諱其言切託以蕃辟召非人策免之時
黨獄所染皆天下名賢皇甫規自以西
州豪傑耻不得與乃上言臣前薦故大
司農張奐是附黨也太學生張鳳等上
書訟臣是爲黨人之所附也臣宜坐之
朝廷不問密素與膺召行相次時人謂
之李杜密嘗爲北海相去官還家每謁
守令多所陳託同郡劉勝亦白蜀郡告
歸鄉里閉門掃軌無所干及太守王昱
謂密曰劉季陵清高士公卿多舉之者
密曰勝位爲大夫見禮上賓而知善不
薦聞惡無言隱情惜已自同寒蟬此罪
人也今志義力行之賢而密達之違道

失節之士而密糾之使明府賞刑得中
令間休揚不亦萬分之一乎豈慚服初
帝受學于甘陵周福及卽位擢福爲尚
書時同郡房植有名當朝鄉人謠曰天
下規矩房伯武因師獲卽周仲進二家
賓客互相譏揣遂成尤隙繇是甘陵有
南北部黨人之議自此始矣汝南太守
宗資以范滂爲功曹滂以岑暉爲功曹
皆委心聽任於是二郡謠曰汝南太守
范孟博南陽宗資主畫諾南陽太守岑
公孝弘農成瑨但坐嘯太學諸生三萬
餘人郭泰賈彪爲其冠與膺蕃王暢更
相褒重學中語曰天下模楷李元禮不
畏彊禦陳仲舉天下俊秀王叔茂於是

中外承風競以臧否相尚自公卿以下莫不畏其貶議屣履到門泰宇林宗始見膺膺人奇之遂相與友善於是名震京師後歸鄉里衣冠諸儒送至河上車數千輛林宗惟與膺同舟而濟衆賓望之以爲神倦焉或勸林宗仕進對曰吾夜觀乾象晝察人事天之所廢不可支也性明知人好獎訓士類茅容耕於野時與等輩避雨樹下衆皆夷踞容獨危坐林宗見之而奇其異乃勸令學卒以成德蓋敏客居太原荷饒墜地不顧而去林宗見而問其意對曰饒已破矣視之何益林宗異之因勸令遊學十年知名仇覽爲蒲亭長民有陳元者獨與母

居而吐諸覽告元不孝覽親到元家爲
陳人倫孝行譬以禍福之言元卒成孝
子考城令王渙政尚嚴益聞覽以德化
人署爲主簿謂覽曰主簿聞陳元之過
不罪而化之得非少鷹鷂之志邪覽曰
以爲鷹鷂不若鸞鳳渙謝遣曰枳棘非
鸞鳳所棲百里豈大賢之路以一月俸
資覽入太學覽常自守符融謂曰京師
英雄四集志士交結之秋雖務經學守
之何固覽正色曰天子修設太學豈但
使人遊談其中高揖而去融以告林宗
林宗因與融齎刺謁之遂請畱宿林宗
嗟嘆下床爲拜林宗游郡國行遇雨中
一角墊時人乃故折一角以爲林宗巾

其見慕皆如此或問滂曰林宗何如人
滂曰隱不違親貞不絕俗天子不得臣
諸侯不得友吾不知其他彪字偉節補
新息長小民困貧多不養子彪嚴爲其
制數年間人養子者千數僉曰賈父所
長生男名爲賈子生女名爲賈女○風
角觀四方之風知吉凶也三府三公之
府平署連署其名也軌車轍也掃除轍
迹示不與人交也寒蟬無聲喻勝寂嘿
不言主畫諾言資備員惟諾而已屣履
着履而不兜起也覽一名香
隱遁而不違其親常相依也

丁未永康元年夏六月赦黨人歸田里禁錮

終身

陳蕃既免朝臣震慄莫敢復爲黨人言者賈彪乃入雒陽說城門校尉竇武尚書霍諝等使訟之武上疏請亦表請帝使中常侍王甫就獄訊黨人范滂等三木囊頭暴於階下甫曰卿等更相拔舉迭爲唇齒其意如何滂曰滂欲使善善同其清惡惡同其污謂王政之所願聞不悟更以爲黨身死之日願埋滂於首陽山側上不負皇天下不愧夷齊甫愍然爲之改容乃得竝解桎梏膺等又多引宦官子弟宦官懼請帝以天時宜赦乃赦黨人二百餘人滂往候謂而不謝

或讓之。滂曰：昔叔向不見祁奚，吾何謝焉？初，詔書下，舉鉤黨郡國所奏多至百數。唯平原相史弼獨無所上。詔書迫切，弼曰：「他郡自有平原，自無若承望上司，誣陷良善，則平原之人戶可爲黨。相有死而已，所不能也。」三木頭及手足皆有械，更以物蒙覆其頭。叔向祁奚春秋晉大夫，范宣子殺欒盈之黨，叔虎與焉，并囚叔向。祁奚見宣子而免之，奚不見向而歸，明爲國非私向也。向不謝奚，明奚不爲已也。

冬十二月帝崩太后臨朝

遣使迎解濱亭侯宏詣京師

竇武召侍御史劉儵問以國中宗室之賢者儵稱孝王曾孫宏武白太后定策禁中迎之卽位

孝靈皇帝

諱宏肅宗玄孫母董夫人桓帝無子竇后立之在位二十二年

戊申建寧元年秋九月太傅陳蕃大將軍竇

武奏誅宦者曹節等節等殺之遂遷太后

於南宮

蕃與武同心戮力以獎王室徵天下名
賢李膺杜密等皆列於朝共參政事天
下想望太平而節與王甫等操弄國柄
共相朋結蕃與武謀誅之事泄節等矯
詔殺
蕃武

巳酉 二年冬十月復治鉤黨殺前司隸校尉

李膺等百餘人

初膺等雖廢銅士大夫皆高尚其道更
相標榜爲之稱號以竇武陳蕃劉淑爲
三君君者言一世所宗也李膺荀昱杜
密主暢劉祐魏朗趙典朱寓爲八俊俊

者言人之英也郭泰范滂尹勲巴肅宗
慈夏馥蔡衍羊陟爲八顧顧者言能以
德行引人者也張儉翟超岑晡范康劉
表陳翔孔昱檀敷爲八及及者言其能
導人追宗者也度尚張邈王孝劉儒胡
毋班秦周蕃嚮王章爲八厨厨者言能
以財救人者也陳賓誅復申黨人之禁
曹節因諷有司奏諸鉤黨李膺等請下
州郡考治時帝年十四問節等曰黨人
何用爲惡而欲誅之耶對曰相舉羣輩
欲爲不軌帝曰不軌欲如何對曰欲圖
社稷帝乃可其奏或謂膺曰可去矣對
曰事不辭難罪不逃刑臣之節也吾年
已六十死生有命去將安之乃詣詔獄

考死門生故吏並被禁錮侍御史景毅
子顧爲膺門徒未有錄牒不及於譴毅
慨然曰本謂膺賢遣子師之豈可以漏
脫名籍苟安而已遂自表免歸汝南督
郵吳導受詔捕范滂至征羌抱詔書閉
傳舍伏床而泣一縣不知所爲滂聞之
曰必爲我也卽自詣獄縣官郭揖大驚
出解印綬引與俱亡滂曰滂死則禍塞
何敢以罪累君反令老母流離乎其母
就與之訣曰汝得與李杜齊名死亦何
恨滂跪受教再拜而辭顧其子曰吾欲
使汝爲惡則惡不可爲使汝爲善則我
不爲惡聞者莫不流涕凡黨人死者百
餘人天下豪傑及儒學有行義者宦官

一切指爲黨人死徙廢禁者又六七百人郭泰聞之私爲之慟曰詩云人之云亡邦國殄瘁漢室滅矣但未知瞻烏爰止于誰之屋爾泰雖好臧否而不爲危言激論故能處濁世而怨禍不及焉張儉亡命困迫望門投止莫不重其名行破家相容後止李篤家外黃令毛欽操兵到門篤引欽就席曰張儉負罪豈得藏之若審在此此人名士明廷寧宜執之乎欽曰蘧伯玉耻獨爲君子足下如何專取仁義篤曰今欲分之明廷載半去矣欽歎息而去儉與魯國孔褒有舊亡抵褒不遇褒弟融年十六匿之後事泄儉得亡走國相收褒融送獄未知所

坐融曰保納舍藏者融也當坐褒曰彼
來求我非弟之過吏問其母母曰家事
任長妾當具辜一門爭死郡縣疑不能
決乃上讞之詔書竟坐褒及黨禁解儉
乃還鄉里夏馥聞儉亡命歎曰孽自己
作空污良善一人逃死禍及萬家何以
生爲乃自剪髮變形入林慮山中隱姓
名爲冶家傭初中常侍張讓父死歸葬
潁川雖一郡畢至而名士無往者讓耻
之陳寔獨弔焉及誅黨人讓以寔故多
所全宥初范滂等非訐朝政自公卿以
下皆折節下之太學生爭慕其風以爲
文學將興處士復用申屠蟠獨歎曰昔
戰國之世處士橫議列國之主至爲擁

等先驅卒有阮儒焚書之禍今之謂矣
乃絕迹於梁碭間自同傭人滂等罹黨
錮之禍惟蟠超然免於評論。鉤黨謂
相鉤援以爲黨也明廷猶云明府指毛
欽載半去言不執儉
分仁義一半去也

壬子熹平元年春三月太傅胡廣卒

廣周流四公歷事六帝練達故事明解
朝章故京師諺曰萬事不理問伯始天
下中庸有胡公然溫柔謹愨常遜言恭
色以取媚於時天下以此薄之。廣一
履司空再作司徒三登太
尉又爲太傅伯始廣字

乙卯四年春三月立石經於太學門外

詔諸儒正五經文字命議郎蔡邕爲古文篆隸三體書之刻石立於太學門外使後學取正焉。鐫五經於石碑曰石經古文謂孔壁中書篆隸皆秦使程邈所作篆有大篆有小篆隸趨簡易施諸徒隸也

丁巳六年冬十月鮮卑寇遼西太守趙苞破

之

苞遣使迎母道經柳城值鮮卑入寇鈔劫苞母載以擊郡出母示苞苞悲號謂

母曰欲以微祿奉養不圖爲母作禍昔
爲母子今爲王臣義不得顧私恩毀忠
節惟當萬死無以塞罪母遙謂曰人各
有命何得相顧以虧忠義爾其勉之苞
卽進戰破賊其母爲賊所害苞歸葬訖
謂鄉人曰食祿而避難非忠也殺母以
全義非孝也
遂嘔血死

戊午
光和元年夏四月侍中寺雌雞化爲雄

六月有黑氣墮溫德殿中○秋七月青虹
見玉堂殿庭中

帝以災異詔問消復之術蔡邕對曰臣
伏思諸異皆亡國之怪也前者乳母趙
婕妤譏謏驕溢永樂門史霍玉依阻爲姦
今道路紛紛復云有程大夫者察其風
聲將爲國患宜高爲隄防明設禁令深
惟趙霍以爲至戒章奏帝覽而歎息因
起更衣曹節於後竊視之悉宣語左右
中常侍程璜使人飛章言邕私事下維
陽獄劾大不敬棄市中常侍河南呂彊
力爲伸請詔減死一等與家屬髡鉗徙
朔方○寺中
寺內署也

冬十月初開西邸賣官

帝每歎桓帝不能作家故賣官聚錢以爲私藏嘗問侍中楊奇曰朕何如桓帝對曰陛下之於桓帝猶虞舜比德唐堯帝不悅曰卿彊項真楊震子孫死後必復致大鳥矣○奇震曾孫震死有大鳥集震喪前悲鳴淚下葬畢飛去

壬戌

五年冬以桓典爲侍御史

典爲御史宦官畏之典常乘驄馬京師語曰行行且止避驄馬御史○驄馬青

色白

甲子

中平元年春二月黃巾賊張角等起

角鉅鹿人以妖術教授弟子轉相誑誘聚衆數十萬楊賜上言宜敕州郡簡別流民護歸本郡以孤弱其黨然後誅其渠帥可不勞而定事畱中角遂置三十六方大方萬餘人小方六七千各立渠帥訛言歲在甲子天下大吉大方馬元義等先收荆揚數萬人以中常侍封誦徐奉等爲內應約以三月五日內外俱起角弟子唐周上書告之詔捕角等角敕諸方俱起皆著黃巾爲識角自稱天公將軍弟寶稱地公將軍梁稱人公將軍所在燔劫旬月之間天下響應

三月赦黨人

帝召羣臣會議北地太守皇甫嵩以爲
宜解黨禁中常侍呂強亦曰黨錮之積
人情怨憤若不赦宥爲變滋大帝懼而
從之發兵遣中郎將盧植討張角皇甫
嵩朱儁討
潁川黃巾

殺中常侍呂強侍中向栩郎中張鈞

時趙忠張讓等貴寵帝常言張常侍是
我父趙常侍是我母及謂奉事發帝詰
責諸常侍曰汝曹常言黨人欲爲不軌
今黨人更爲國用汝曹反與角通皆叩
頭求退已而共譖強云與黨人共議朝
廷數讀霍光傳帝召強強怒曰丈夫欲

盡忠國家豈能對獄吏乎遂自殺
刺左右讓誣栩與角爲內應殺之
書曰角所以能興兵作亂者皆繇十
侍宗親賓客典據州郡辜權財利
侵掠百姓百姓冤無所訴故聚爲盜
賊宜斬十常侍帝以鈞章示諸常侍
御史遂誣奏鈞學黃巾道掠死獄中

夏五月皇甫嵩朱儁與騎都尉曹操合軍討三郡黃巾破平之

操父嵩爲中常侍曹騰養子不能審其
生出本末或云夏侯氏子也操少機警

有權數而任俠放蕩不治行業時人未
之奇也惟太尉橋玄及南陽何顒異焉
玄謂操曰天下將亂非命世之才不能
濟也能安之者其在君乎顒見操歎曰
漢家將亡安天下者必是人也時汝南
許劭與從兄靖有高名好共覈論鄉黨
人物每月輒更其題品故汝南俗有月
旦評焉操往造劭問曰我何如人劭曰
子治世之能臣亂世之姦雄操喜而去
後舉孝廉爲郎至是平賊遷濟南相

交趾吏民作亂以賈琮爲刺史討平之

交趾多珍貨前後刺史多無清行故吏
民怨叛及琮爲刺史到部遺書告示各

使安其資業招撫荒散蠲復徭役誅斬渠帥簡選良吏歲間蕩定百姓以安歌曰賈父來晚使我先反今見清平吏不敢飯

冬十月皇甫嵩與張角弟梁寶戰皆斬之

詔遣嵩討角時角已死嵩與其弟梁戰斬梁復攻梁弟寶斬之嵩能溫卹士卒故所向有功

乙丑二年春三月以崔烈爲司徒

烈本冀州名士至是因傳母入錢五百萬得爲司徒聲譽頓衰帝謂所親曰悔

不金鑑卷之六小靳可至于萬烈問其子鈞
外議何如子曰人嫌其銅臭耳

丁卯四年冬十月前太邱長陳寔卒

寔在鄉閭平心率物其有爭訟輒求判
正曉譬曲直退無怨者至乃歎曰寧爲
刑罰所加不爲陳君所短及
卒海內赴弔者三萬餘人

戊辰五年春二月以劉焉爲益州牧劉虞爲

幽州牧

焉見王室多故建議以爲四方兵寇由
刺史威輕且用非其人所致宜改置牧

伯選清名重臣以居其任朝廷遂從焉
議選列卿尚書爲州牧各以本秩居任
以焉爲益州虞爲幽
州州任之重自此始

巳六年夏四月帝崩子辯卽位太后臨朝
封弟協爲陳畱王

初后生辯養於道人史子眇家號曰史
侯王美人生協董太后自養之號曰董
侯羣臣請立太子帝以辯輕佻欲立協
猶豫未決會疾篤屬協於黃門蹇碩欲
先誅何進而立協使人迎進進往碩司
馬潘隱迎而白之進驚馳歸營稱疾不

入辯卽位

年十四

秋七月大將軍進召董卓將兵詣京師太后詔罷諸宦官八月宦官張讓等入宮殺進劫太后帝出至河上司隸校尉袁紹捕宦官悉誅之帝還宮以卓爲司空

紹說何進悉誅閹宦進白太后太后曰中官統領禁省漢家故事也且先帝新棄天下我奈何楚楚與士人共對事乎事久不決紹等又爲畫策召四方猛將

使竝引兵向京城以脅太后進然之主
簿陳琳諫曰將軍總皇威握兵要龍驤
虎步此猶鼓洪爐燎毛髮耳但當速發
雷霆行權立斷而反委釋利器更徵外
助大兵聚會彊者爲雄所謂倒持干戈
授人以柄功必不成祇爲亂階耳進不
聽召卓使將兵詣京師卓時爲破虜將
軍討羌賊卽時就道并上書請收讓等
太后猶不從進以紹爲司隸校尉紹促
卓馳驛上奏欲進兵平樂觀太后乃恐
悉罷中常侍小黄門使還里舍皆詣進
謝罪唯所措置紹勸進便於此決之再
三不許謀頗泄讓子婦太后之妹也讓
叩頭曰老臣得罪當與新婦俱歸私門

願復一入直得暫奉望太后顏色然後
退就溝壑死不恨矣太后乃詔皆復入
直進入長樂宮白太后請盡誅諸常侍
讓與段珪使潛聽其語乃率其黨
數十人伏兵斬進將太后少帝及陳留
王走北宮尚書盧植執戈於閣道窗下
仰數珪珪懼乃釋太后太后投閣得免
紹引兵屯闕下遂閉北宮門勒兵捕諸
宦者無少長皆殺之讓珪等遂將帝與
陳留王步出穀門公卿無從者惟植及
河南中部掾閔貢夜至河上貢厲聲責
讓等因手劍斬數人讓等惶怖投河而
死貢扶帝與陳留王夜逐螢光還至維
舍明旦帝乘一馬陳留王與貢共乘一

馬南行卓迎於北芒阪下與帝語語不可了更與陳留王語問禍亂之由王答自初至終無所遺失卓大喜以爲賢且自以與董太后同族而王爲后所養遂有廢立之意是日帝還宮以卓爲司空蔡邕亡命江海積二十年卓聞其名而辟之稱疾不就卓怒詈曰我能族人邕懼而應命到署祭酒甚見敬重三日之間周歷三臺遷爲侍中○楚楚悽愴苦楚之意三臺漢以尚書爲中臺御史爲憲臺謁者爲外臺

九月袁紹出奔冀州卓廢帝爲弘農王奉

陳畱王協卽位遂弑太后何氏

董卓謂紹曰天下之主宜得賢明每念
靈帝令人憤毒董侯似可紹曰今上富
於春秋未有不善宜於天下公欲廢嫡
立庶恐衆不從卓按劍叱紹曰豎子敢
然天下之事豈不在我爾謂董卓刀爲
不利乎紹勃然曰天下健者豈惟董公
引佩刀橫揖徑出逃奔冀州卓遂脅太
后廢帝爲弘農王立陳畱王爲帝卓又
議太后踰迫永樂宮至憂死逆婦姑禮
乃遷永安宮酖殺之○踰通蹙踰迫猶
促迫也何太后遷董太
后於永樂宮憂怖暴崩

冬十一月卓自爲相國贊拜不名入朝不趨劍履上殿

十二月徵處士申屠蟠不至以黃琬爲太尉楊彪爲司徒荀爽爲司空

尚書周處城門校尉伍瓊說卓擢用天下名士以收衆望於是徵爽蟠等爽等畏卓無敢不至蟠獨不起人勸之行笑而不答竟以壽終

以袁紹爲渤海太守

董卓購求紹急周志伍瓊曰紹恐懼出
奔非有他志今急購之勢必爲變不如
赦之拜一郡守紹喜於免罪必無患矣
卓乃拜紹爲渤海太守又以紹從弟術
爲後將軍曹操爲驍騎校尉術奔南陽
操變易姓名間行東歸至陳畱散家財
合兵得
五千人

通鑑纂要卷六

通鑑肇要卷七 正編

姚培謙平山

雲間

同錄

張景星二銘

同學王斂福鳳山參閱

孝獻皇帝

諱協靈帝中子母王美人在位三十一年

庚午初平元年春正月關東州郡起兵討卓

推袁紹爲盟主

通鑑紀事本末
紹自號車騎將軍屯河內曹操屯酸棗
袁術屯魯陽衆各數萬豪傑多歸心紹
濟北相鮑信獨謂操曰君
畧不世出殆天之所啓乎

卓弑弘農王

三月卓遷都長安燒洛陽宮廟發諸帝陵
車駕西遷

董卓以山東兵盛遷都避之帝至長安
卓未至朝政皆委之司徒王允允外相
彌縫內謀王室甚有大臣之
度又屈意承卓卓亦雅信焉

長沙太守孫堅舉兵討卓將軍袁術據南

陽表堅領豫州刺史

堅起兵殺刺史王獻太守張咨至魯陽與術合兵術由是得據南陽表堅行破虜將軍領豫州刺史堅與官屬會飲於魯陽城東董卓步騎數萬至堅方行酒談笑整頓部曲無得妄動後騎漸益堅徐罷坐導引入城乃曰向堅所以不卽起者恐兵相蹈籍諸君不得入耳卓兵見其整不敢攻而還

以劉表爲荊州刺史

南郡名士蒯越勸表南據江陵北守襄陽荆州八郡可傳檄而定也表曰善

曹操與卓兵戰於滎陽不克還屯河內

袁紹等諸軍畏董卓之彊莫敢先進操曰舉義兵以誅暴亂一戰而天下定矣遂引兵至滎陽遇卓將徐榮與戰操兵敗爲流矢所中馬亦被創從弟洪以馬與操曰天下可無洪不可無君遂夜遁還酸棗

夏四月以公孫度爲遼東太守

辛未二年春正月關東諸將奉大司馬劉虞

爲帝虞不受

關東諸將議以朝廷幼冲逼於董卓遠隔關塞不知存亡虞宗室賢雋欲共立爲主上虞尊號虞厲色叱之曰今天下崩亂主上蒙塵吾被重恩未能清雪國耻諸君各據州郡宜共戮力王室而返造逆謀以相垢汚邪虞欲奔匈奴以自絕紹等乃止

二月孫堅進兵擊卓卓敗西走堅入洛陽修塞諸陵而還○夏四月卓至長安

六月袁紹逐冀州牧韓馥自領州事

通鑑纂要卷三

三

紹密要公孫瓚取冀州使馥所親荀諝等說馥曰君自料寬仁容衆孰與袁氏智勇過人孰與袁氏世布恩德孰與袁氏馥曰皆不如也諝曰袁氏一時之傑將軍資三不如之勢久處其上彼不爲將軍下也夫冀州天下之重資彼若與瓚取之危亡可立而待若舉冀州以讓袁氏是將軍有讓賢之名而身安於泰山也馥然其計馥畏史耿武等聞而諫曰紹孤客窮軍仰我鼻息譬如嬰兒在股掌之上若絕其哺乳立可餓殺奈何欲以州與之馥曰吾袁氏故吏且才不

如本初度德而讓古人所貴諸君獨何病焉。馥乃避位讓紹。紹承制以馥爲奮威將軍。馥去依張邈。後紹使至與邈耳語。馥謂圖已遂自殺。仰我鼻息。仗我力也。呼吸之。

冬十月公孫瓚攻袁紹以劉備爲平原相

瓚破青州黃巾威名大震時關東州郡務相兼并以自彊大袁紹袁術亦自相離貳術遣孫堅擊董卓未返紹遣周昂襲奪堅陽城堅引兵擊昂走之術遣公孫越助堅攻昂越爲流矢所中死瓚怒曰余弟死禍起於紹遂出軍屯磐河數

紹罪惡進兵攻之冀州諸城多畔從瓚
備涿郡人中山靖王後少孤貧有大志
嘗與瓚同師事盧植因往依瓚至是瓚
使與其將田楷徇青州有功因以爲平
原相備少與河東關羽涿郡張飛友善
以羽飛爲別部司馬分統部曲常山趙
雲爲郡將兵詣瓚備見而奇之深加接
納雲遂從備至平原爲備主騎兵○中
山靖王景

帝第八子

袁術使孫堅擊劉表表軍射殺之

河南尹朱儁移書州郡徵兵討卓

管寧邴原王烈適遼東

公孫度威行海外中國人士避亂者多歸之寧原烈北海人皆往依焉寧少時與華歆爲友嘗共鋤菜見金寧揮鋤不顧歆提而擲之人以是知其優劣寧旣見度乃廬於山谷每見度語唯經典不及世事還山專講詩書習俎豆非學者無見也原性剛直清議以格物寧謂原曰潛龍以不見成德言非其時皆招禍之道也密遣原歸烈少時名聞在原寧之右鄉里有盜牛者主得之盜請罪曰刑戮是甘乞不使王彥方知也烈聞之使人遺布一端或問其故烈曰盜懼吾

聞其過是有耻惡之心既知耻惡則善
心將生故與布以勸爲善也後有老父還
遺劍於路行道一人見而守之老父還
尋得劍以事告烈烈使推求乃先盜牛
者也屢欲以烈爲長史烈辭之爲商賈
以自穢乃免○格標品之也彥方烈字
申壬三年春正月卓遣校尉李傕郭汜張濟
擊朱儁於中牟破之遂掠潁川

荀淑孫彥少有才名何顥見而異之曰
王佐才也及天下亂或恐潁川有難先
率宗族去依韓馥會袁紹已奪馥位待
以上賓之禮或屢紹不能定大業聞曹

操有雄略乃從操操與語悅曰吾子房也。以爲奮武司馬至催汜掠潁川其鄉人聞者多爲所殺。

○催音確汜音梵

夏四月王允使中郎將呂布誅董卓詔允錄尚書事以布爲奮威將軍共秉朝政

允與司隸校尉黃琬僕射士孫瑞密謀誅卓布膂力過人卓信愛之誓爲父子嘗小失卓意卓拔手戟擲布布見允言狀允因以誅卓之謀告之使爲內應布曰如父子何曰君自姓呂本非骨肉擲戟之時豈有父子情耶布遂許之允使

瑞書詔授布及卓入朝布伏勇士於北掖門刺之卓傷臂墜車大呼呂布何在布曰有詔討賊臣應聲持矛刺卓趨兵斬之卽出懷中詔版以令吏士曰詔討卓耳餘皆不問吏士皆稱萬歲蔡邕在允坐聞之驚歎允叱之曰卓國之大賊君懷其私遇傷痛豈不共爲逆哉卽收付廷尉死獄中未幾卓故將李傕郭汜舉兵犯關殺允布走出關

○上孫複姓伯喈邕字

黃巾寇兖州殺刺史劉岱曹操入據之自稱刺史

冬十月以劉表爲荊州牧

癸酉四年春正月袁術進兵封邱曹操擊破

之術走壽春自領揚州事

甲戌興平元年秋九月劉焉卒以其子璋爲

益州牧

陶謙卒劉備兼領徐州

謙爲徐州牧曹操擊徐州備救謙表備爲豫州刺史謙疾篤謂別駕糜竺曰非

劉備不能安此州謙卒麋竺
率州人迎備送兼領徐州

以劉繇爲揚州刺史

乙亥二年春二月李傕攻郭汜劫帝入其營
夏四月郭汜攻李傕傕遷帝於北塢

曹操攻拔定陶吕布走歸劉備

操欲取徐州還乃定布荀彧曰昔高祖
保關中光武據河內皆深根固本以制
天下將軍本以兖州首事河濟天下要
地是亦將軍之關中河內也不可以不

先定操遂攻布布東奔備○操初
舉兵於陳畱故以兖州爲首事

六月將軍張濟迎帝東歸

冬十月以曹操爲兖州牧

十二月帝至弘農張濟與傥汜合追帝至

陝帝渡河入李樂營

郭汜黨復謀脅乘輿西行楊定董承將
兵迎天子幸楊奉營張濟與奉承不相
平乃復與傥汜合車駕遂幸弘農濟傥
汜共追乘輿大戰於弘農東澗承奉軍

孫策擊劉繇於曲阿破走之

敗乃譙催等與連和而密遣間使至河東招故白波帥李樂韓暹率眾共擊催等大敗之車駕發東催等復來戰奉等大敗至陝樂令車駕御船帝乃渡河到大陽幸樂營○白波帥黃巾餘黨郭太等起於西河白波谷因號白波賊

孫堅生四男策權翊匡堅初興義兵策將母徙居舒與周瑜相友收合士大夫江淮間人咸向之堅薨乃渡江居江都策舅吳景時爲丹陽太守策乃載母徙曲阿到壽春見袁術術歎曰使術有子如孫郎死復何恨時繇據曲阿策說術

乞助景等平定江東術表策爲折衝校尉率衆五六千渡江轉聞所向皆破莫敢當其鋒攻繇於曲阿繇兵敗走

袁紹圍東郡執太守臧洪殺之

洪爲東郡太守曹操圍張超於雍邱超言唯恃洪當來救吾衆以爲袁曹方睦洪爲紹所表用必不敗好以招禍超曰子源天下義士終不背本者洪聞之果徒跣號泣從紹請兵赴難紹不與雍邱遂潰超自殺洪由是怨紹絕不與通紹興兵圍之歷年不下令陳琳以書喻之洪復書曰僕蒙主人傾蓋遂竊大州自

通鑑綱目卷之

九

謂究竟大事共尊王室豈悟郡將遽見
請師見拒使洪故君遂至淪沒斯所以
忍悲揮戈收淚告絕者也紹遂急攻城
陷執洪謂曰今日服未洪據地瞋目曰
諸袁事漢四世五公今王室衰弱無扶
翼之意欲因際會希冀非望多殺忠良
以立姦威惜洪力劣不能爲天下報讐
何謂服乎紹殺之洪邑人陳容時在紹
坐起謂紹曰將軍舉大事欲爲天下除
暴而先誅忠義豈合天意紹慚使人牽
出容曰今日寧與洪同日而死不與將
軍同日而生容復見殺在坐者無不歎
息竊相謂曰如何一日
殺二烈士○子源洪字

丙建安元年夏六月劉備與袁術戰於盱
眙呂布襲取下邳備降於布遂與并兵擊
術

術攻備以爭徐州備使張飛守下邳自
將拒術於盱眙術與布書勸令襲下邳
許助以軍糧布引軍東下飛敗走布虜
備妻子及將吏家口備收餘兵與術戰
又敗請降於布布亦忿術軍糧不繼復
以備爲豫州刺史與并勢擊術使屯小
沛布自稱
徐州牧

秋七月帝還雒陽曹操入朝自爲司隸校

尉錄尚書事

帝還雒陽時宮室燒盡百官披荆棘依
牆壁間操將兵詣洛陽帝以操領司隸
校尉錄尚書事操於是誅有異賞有
功矜死節封董承等三十人爲列侯

曹操遷帝於許自爲大將軍封武平侯

操引董昭問計昭曰此中諸將人殊意
異今畱匡弼事勢不便惟有移駕幸許
耳操曰此孤本志也乃奉徙大駕至
許自是政歸曹氏天子守位而已

孫策取會稽太守王朗降

策引兵渡浙江會稽功曹虞翻說朗降策自領會稽太守

冬十月曹操以荀彧爲侍中尚書令荀彧爲軍師郭嘉爲祭酒

操問彧以策謀之士彧薦其從子攸及嘉操微攸與語大悅曰公達非常人也吾得與之計事當何憂哉以爲軍師嘉初往見袁紹紹甚敬禮之居數日嘉訝其多端寡要好謀無決遂去之操召見與論天下事喜曰使孤成大業者必此

通鑑纂要

人也嘉出亦喜曰真
吾主也○公達攸字

募民屯田許下州郡竝置田官

時天下亂離民棄農桑諸軍竝起率乏
糧穀袁紹軍仰桑椹袁術取給蒲羸棗
祇請置屯田都尉任峻爲典農中郎將
募民屯田許下得穀百萬斛於是州郡
例置田官所在倉廩皆滿故
操征伐四方無運糧之勞

呂布復攻劉備備走歸許詔以爲豫州牧
遣東屯沛

布攻備備敗走歸曹操操厚遇之以爲豫州牧或謂操曰備有英雄之志今不早圖後必爲患操以問郭嘉嘉曰公推誠仗信以招俊傑今備以窮歸已而害之則志士將自疑回心擇主公誰與定天下乎操笑曰君得之矣遂遣東屯沛收散兵以圖布

丁丑二年春正月以鍾繇爲司隸校尉督關中諸軍

袁紹與曹操書辭語驕慢操謂荀彧曰嘉曰今將討不義而力不敵何如對曰

紹有十敗公有十勝紹雖強無能爲也
紹繁禮多儀公體任自然此道勝也紹
以逆動公奉順以率天下此義勝也桓
靈以來政失於寬紹以寬濟寬公糾之
以猛而上下知制此治勝也紹外寬內
忌用人而疑之公外易簡而內機明用
人無疑惟才所宜此度勝也紹多謀少
決公得策輒行應變無窮此謀勝也紹
高議揖遜以收名譽公以至心待人此
德勝也紹聽讒言惑亂公浸潤不行此
勝也紹是非混淆公法度嚴明此文勝
也紹好爲虛勢不知兵要公以少克衆
用兵如神此武勝也操笑曰如卿所言

孤何德以堪之操又恐紹侵擾關中或
曰侍中鍾繇有智謀若屬以西事公無
憂矣乃表繇
持節督關中

袁術稱帝

孫策與術書曰湯武雖有聖德假使時
無失道無由逼而取也今主上徒以幼
小脅於疆臣宜効忠守節以報王室術
不納策遂絕之至是僭號於壽春自稱
仲家○仲或作冲
一曰號其國曰仲

夏五月以呂布爲左將軍布討袁術破其

兵

通鑑纂要卷七

三

初術懼布爲子求婚布許之至是術遣韓胤以僭號告布因求迎婦布遣女隨之陳珪恐徐揚合從爲難未已往說布曰曹公奉迎天子輔贊國政將軍宜與協同策謀今與術結姻必受不義之名將有繫卵之危矣女已在途布追還絕婚執胤送許曹操殺之珪欲使子登詣操布固不肯會使至詔以布爲左將軍布大喜卽聽登行并令奉章謝恩登見操因陳布勇而無謀輕於去就宜早圖之操增珪秩中二千石拜登廣陵太守令陰合部衆爲內應始布因登求徐州

收不得登還布怒曰卿父勸吾協同操
絕昏公路今吾所求無獲而卿父子並
顯重但爲卿所賣耳登徐對曰登見曹
公言養將軍譬如養虎當飽其肉不飽
則將噬人公曰不如卿言譬如養鷹飢
卽爲用飽則颺去布意乃解術怒布殺
亂遣將張勲等與韓暹楊奉步騎數萬
攻布布用珪策與暹奉書曰二將軍親
扶大駕而布手殺董卓俱立功名今術
造逆宜共誅討可因今者同力破術爲
國除害又許破術兵悉以軍資與之暹
奉大喜遂共擊勲等破之○公路術字

戊寅三年秋九月呂布復攻劉備冬曹操擊

布殺之

通鑑纂要卷七

七

布復與袁術通遣高順張遼攻備虜備
妻子備單身走操擊布圍下邳月餘布
困迫乃降布見操曰明公之所患不過
於布今已服矣若令布將騎明公將步
天下不足定也操命緩布縛備曰不可
明公不見布事丁建揚董卓師乎操領
之縊殺布○丁原字建陽以布爲主簿
大見親侍太師董卓也誘布殺原而並
其兵誓爲父子後王允使
布刺殺卓領之謂首肯也

以劉備爲左將軍○以孫策爲討逆將軍

封吳侯

操表策爲討逆將軍袁術以周瑜爲居巢長魯肅爲東城長瑜肅知術無成棄官渡江從策

袁紹攻公孫瓚圍之

瓚自焚死

四年夏袁術北走詔劉備將兵邀之術還走死

術竊僞號淫侈滋甚賡御數百下饑困莫之簡卹於是資實空盡不能自立乃

燒宮室奔其部曲陳簡雷薄復爲簡等
所拒遂大困窮士卒散走憂懣不知所
爲遂歸帝號於從兄紹欲北至青州從
袁譚曹操使備邀之不得過復走還壽
春六月至江亭坐簣牀而歎曰袁術乃
至是乎○徼遮繞也簣牀謂無茵蒂也
吳書作
櫺牀

冬十一月孫策襲廬江取之徇豫章太守

華歆降

劉備起兵徐州討曹操操遣兵擊之

帝舅董承稱受帝衣帶中密詔誅操未發操從容謂備曰今天下英雄惟使君與操耳本初之徒不足數也備方食失匕箸時正當雷震備因曰聖人云迅雷風烈必變良有以也遂與承及种輯等同謀會操遣備要擊袁術備遂殺徐州刺史車胄畱關羽守下邳身還小沛遣使與紹連兵操遣兵擊之不克

庚辰五年春正月操殺車騎將軍董承遂擊破之備奔冀州

承謀洩操殺承等遂擊備獲其妻子進拔下邳擒關羽備遂奔青州歸袁紹

夏四月袁紹遣兵攻白馬曹操擊破之斬其將顏良文醜

通鑑纂要卷之六

六

紹移檄州郡數操罪惡遣良攻東郡太守劉延於白馬操使張遼關羽爲先鋒擊之羽望見良麾蓋策馬刺良於萬衆中斬其首而還遂解白馬圍醜與劉備將騎五六千前後至操縱擊大破之斬醜紹軍奪氣操卽表封羽爲漢壽亭侯初操壯羽爲人而察無畱意使張遼以情問之羽歎曰吾極知曹公待我厚然吾受劉將軍恩誓以共死不可背之要當立効以報曹公乃去遼以羽言報操

操義之及羽殺良操知其必去重加賞賜羽盡封其所賜拜書告辭而奔備於袁軍左右欲追之操曰彼各爲其主弗追也

孫策卒弟權代領其衆

策欲乘虛襲許未發會先所殺吳郡太守許貢奴客因其出獵伏而射之中頰創甚召張昭等謂曰中國方亂以吳越之衆三江之固足以觀成敗公等善相吾弟呼權佩以印綬謂曰舉江東之衆決機於兩陳之間與天下爭衡卿不如我舉賢任能各盡其心以保江東我不如卿遂卒

秋九月袁紹攻曹操於官渡冬十月操襲破其輜重紹軍大潰

以孫權爲討虜將軍

曹操聞孫策死欲因喪伐之張紘諫曰乘人之喪旣非古義若其不克成讎棄好不如因而厚之操卽表權爲討虜將軍領會稽太守周瑜薦魯肅於權權與語悅之合榻對飲問計肅曰漢室不可復興曹操不可卒除爲將軍計惟有保守江東以觀天下之釁耳張昭毀肅年少龕疎權益重之

益州司馬張魯據漢中

魯以劉璋闇
需遂據漢中

辛巳年秋九月曹操擊劉備於汝南備奔
荊州

備在荊州數年嘗於劉表坐起至厠慨
然流涕表怪問備備曰平常身不離鞍
髀肉皆消今不復騎髀裏肉生日月若
馳老將至矣而功業不建是以悲耳○
髀股
骨也

壬午七年春正月曹操復進軍官渡夏五月
袁紹卒幼子尚襲行州事長子譚出屯黎
陽操攻敗之

紹有三子譚熙尚紹後妻劉氏愛尚紹
欲以爲後乃以譚繼兄後出爲青州刺
史以熙爲幽州刺史紹卒衆以譚長欲
立之逢紀審配矯紹遺命立尚譚出屯
黎陽操攻譚尚自將助之與操相拒譚
尚數敗其後譚尚相攻尚敗走幽州幽
州將吏遂熙遣使降操熙尚俱奔烏桓
操擊烏桓破之熙尚奔遼東公孫康斬

之操斬譚
於南皮

丁亥十二年冬十月劉備見諸葛亮於隆中

亮瑯琊人寓居襄陽隆中每自比管仲
樂毅備訪世事於司馬徽徽曰識時務
者在乎俊傑此間有伏龍鳳雛備問爲
誰曰諸葛孔明龐士元也徐庶亦曰諸
葛孔明者臥龍也將軍豈願見之乎備
曰君與俱來庶曰此人可就見不可屈
致由是備遂詣亮三往乃見因曰漢室
傾頽姦人竊命孤不度德量力欲信大
義於天下君謂計將安出亮曰今曹操
擁百萬之衆挾天子以令諸侯此誠不

可與爭鋒孫權據有江東國險民附此
可與爲援而不可圖也荊州用武之國
其主不能守殆天所以資將軍也益州
險塞劉璋闇弱智能之士思得明君將
軍帝室之胄信義著於四海若跨有荆
益結好孫權內修政治外觀時變則霸
業可成漢室可興矣備曰善與亮情好
日密關羽張飛不悅備解之曰孤之有
孔明猶魚之有水也徽清雅有知人之
鑑同縣龐德公素有重名徽兄事之德
公嘗謂孔明爲臥龍士元爲鳳雛德操
爲冰鑑○孔明亮字士元名統德公士
元諸父德操徽字
冰與鑑取其明也

戊子十三年夏六月罷三公官曹操自爲丞

相

秋八月劉表卒九月曹操至新野表子琮

舉州降

操擊表會表卒子琮遣使請降諸葛亮說備攻琮荆州可有備曰吾不忍也然荆州人多歸備或謂備曰宜速行保江陵備曰夫濟大事必以人爲本今人歸吾吾何忍棄去初表受後妻之言愛少子琮不悅長子琦琦欲與亮謀自安之

通鑑纂要卷之六

漢獻帝

二

術乃共升高樓去梯謂亮曰今日上不
至天下不至地言出子口入於吾耳可
以言未亮曰君不見申生在內而危重
耳在外而安乎琦意感悟遂請外守表
卒遂以
琮爲嗣

劉備奔江陵操追至當陽及之備走夏口

操以江陵有軍實恐備據之乃將精騎
急追之及於當陽之長阪備棄妻子與
諸葛亮張飛趙雲數十騎走徐庶母爲
操所獲庶辭備指其心曰本欲與將軍
共圖王霸之業者以此方寸地也今失
老母方寸亂矣請從此別遂詣操張飛

拒後據水斷橋瞋目橫矛曰身是張翼
德也可來共決死敵皆無敢近者雲抱
備子禪與關羽船會得濟河遇劉琦衆
萬餘人與俱到夏口○軍實謂車徒器
械芻糧之類
飛字翼德

冬十月曹操東下孫權遣周瑜魯肅等與
劉備迎擊於赤壁大破之操引還

操將順江東下諸葛亮請救於權見於
柴桑說曰操破荊州劉豫州英雄無所
用武願將軍量力而處之權曰非豫州
莫可以當操然新敗安能抗此難乎亮

曰操衆遠來疲弊所謂强弩之末勢不能穿魯縞者也且北方之人不習水戰將軍誠能與豫州協規同力破操軍必矣操軍破則荆吳之勢强鼎足之形成矣時操遺檄書曰近者奉辭伐罪劉琮束手今治水軍八十萬衆方與將軍會獵於吳權以示羣下莫不失色張昭等請迎之肅以爲不可勸權召瑜定計瑜曰操雖託名漢相其實漢賊瑜請得精兵五萬破之權因拔刀斫前奏案曰敢復言迎操者與此案同遂以瑜督三萬人與備併力迎操遇於赤壁瑜部將黃蓋曰曹軍方連船艦可燒而走也乃取蒙衝鬪艦載燥荻枯柴灌油其中先以

書遺操詐云欲降時東南風急蓋以十
艦最著前中江舉帆餘船以次俱進操
軍吏士皆出營立觀指言蓋降去北軍
二里餘同時發火火烈風猛船往如箭
燒盡北船延及岸上營落人馬燒溺死
者甚衆北軍大壞操引兵步走○繒之
精白者曰縞曲阜之俗善作之故曰魯
縞弩雖強勁至末則矢力已窮卽魯縞
之薄亦不能
穿規圖也

巳丑
十四年冬十二月孫權表劉備領荊州
牧

時周瑜領南郡屯江陵權以備領荊州
牧瑜分南岸地以給備權以妹妻備妹
才捷剛猛有諸兄風侍婢百餘人皆執
刀侍立備每入心常凜凜曹操遣辯士
蔣幹說瑜瑜謂幹曰丈夫處世遇知己
之主言聽計從禍福共之假使蘇張更
生能移其意乎幹還白操稱
瑜雅量高致非辭所能間也

庚寅

十五年冬十二月孫權南郡守將周瑜

卒權以魯肅代領其兵

瑜字公瑾性度恢廓程普以年長數凌
侮瑜瑜折節容下之終不與校普後自

敬服乃告人曰與公瑾交若飲醇醪不
覺自醉劉備詣權求都督荊州瑜上疏
曰備以梟雄之資而有關羽張飛熊虎
之將今猥割土地以資業之恐蛟龍得
雲雨終非池中物也權不納備還聞之
歎曰天下智謀之士所見略同前孔明
諫孤莫行其意亦慮此也瑜病與權牋
曰方今曹操在北疆場未靜劉備寄寓
有似養虎天下之事尚未知終始魯肅
忠烈臨事不苟可以代瑜權慟曰公瑾
有王佐之資今忽短命孤何賴哉瑜卒
權以肅代瑜肅勸權以荊州借備與共
拒操權從之初權謂呂蒙曰讀書大有
所益蒙始就學後肅過蒙言議常欲受

屈肅拊蒙背曰大弟學識英博非復吳
下阿蒙蒙曰士別三日即當刮目相待
大兄何見
事之晚乎

劉備以龐統爲治中從事

初備以統守耒陽令不治免魯肅遺備
書曰士元非百里才也使處治中別駕
之任始當展其驥足耳備遂
用爲治中親待亞於諸葛亮

壬辰十七年冬十月曹操擊孫權至濡須侍

中光祿大夫參軍事荀彧自殺

董昭等謂丞相宜進爵國公九錫備物以彰殊勲密以詔或或以爲曹公本興義兵以匡朝寧國君子愛人以德不宜如此操由是心不平會擊權表請或勞軍於譙因輒畱或參丞相軍事操軍至濡須或疾畱壽春飲藥而卒

癸巳十八年春正月曹操引兵還

操進軍濡須口望見孫權軍伍整齊歎曰生子當如孫仲謀如劉景升兒子豚犬耳撤軍還○仲謀權字劉表字景升

夏五月曹操自立爲魏公加九錫

通鑑纂要卷之二十一
甲午十九年夏閏五月劉備入成都自領益州牧以諸葛亮爲軍師將軍

初益州牧劉璋遣法正結備以討張魯正至荊州陰說備取益州備自將數萬人而西巴蜀太守嚴顏歎曰此所謂獨坐窮山放虎自衛者也備與張飛趙雲將兵泝流克巴東破巴郡獲顏飛阿顏曰何以不降顏曰我州但有斷頭將軍無降將軍飛怒令牽去斫頭顏容止不變曰斫頭便斫頭何爲怒也飛壯而釋之引爲賓客備進圍成都璋降備遷璋於公安自領益州牧以亮爲軍師將軍

亮治蜀頗尚嚴峻人多怨歎正謂亮曰
願緩刑弛禁以慰民望亮曰劉璋闇弱
蜀人專恣今威之以法法行則知恩限
之以爵爵加則知榮榮恩並濟上下有
節爲治之要於斯著矣備以蔣琬爲廣
都長衆事不理大怒亮曰琬社稷之器
非百里之才也其爲政以安民
爲本不以修飾爲先乃不加罪

秋七月魏荀攸卒

時攸爲魏尚書令

攸深密有智防謀謨帷幄人莫知其所
言操嘗稱荀文若之進善不進不休荀
公達之去惡不去不止
○文若或字公達攸字

冬十一月曹操弑皇后伏氏及皇子二人

帝自都許以來守位而已操以事入見
帝不任其懼因曰君若能相輔則厚不
爾幸垂恩相捨操失色俛仰求出舊儀
三公引兵朝見令虎賁執刀挾之操出
汗流浹背自後不復朝請董承女爲貴
人操誅承求貴人殺之帝以貴人有倖
爲請不得伏后懼與父完書令密圖之
事泄操使郗慮持節策收皇后璽綬以
華歆爲之副勒兵入宮收后后閉戶藏
壁中歆壞戶發壁就牽后出時帝在外
殿后被髮徒跣行泣過詎曰不能復相
活耶帝曰我亦不知命在何時顧謂慮

曰鄒公天下寧有是耶遂將后下暴室以幽死所生二皇子皆酖殺之兄弟及宗族死者百餘人

乙未二十年春正月立貴人曹氏爲皇后操女

夏五月劉備孫權分荊州備使關羽守江

陵權使魯肅屯陸口

先是益州牧劉璋網維頽弛周瑜甘寧竝勸權取蜀權以咨備備僞報曰備與璋託爲宗室冀憑英靈以匡漢室今璋得罪左右願加寬貸若不獲請備當拔

髮於山林後備西圖章雷羽守權曰猾
虜乃敢挾詐備定蜀權令諸葛瑾求荆
州備不許權乃遣呂蒙襲奪長沙零陵
桂陽三郡備遣羽爭三郡肅屯益陽與
羽相拒肅邀羽相見各駐兵馬百步上
但諸將軍單刀俱會肅因責數羽曰國
家以土地借卿家者卿家軍敗遠來無
以爲資故也今已得益州旣無奉還之
意但求三郡又不從命語未竟坐有一
人曰夫土地者惟德所在耳何常之有
肅厲聲呵之辭色甚切羽操刀起謂曰
此自國家事是人何知日使之去會曹
操入漢中備懼失益州使使求和
更尋盟好遂分荊州割湘水爲界

秋七月曹操取漢中走張魯畱將軍夏侯淵張郃守之而還

操攻陽平拔之魯奔巴中司馬懿言於操曰劉備以詐力虜劉璋蜀人未附今若耀威漢中益州震動進兵臨之勢必瓦解操曰人苦無足既得隴右復欲得蜀劉曄曰備人傑也有度而遲得蜀口淺蜀人未附今舉漢中蜀人震恐因而壓之無不克也若小緩之諸葛亮明於治國而爲相關羽張飛勇冠三軍而爲將蜀民既定據險守要不可犯矣操不從居七日降蜀者說蜀一日數十驚備

通鑑纂要卷

雖斬之而不能安也操問曄曰今尚可擊否曄曰今已小定未可擊也遂還

車二十一年夏四月曹操自進爵爲王

丁酉二十二年春正月曹操擊孫權軍三月

權降

冬十月孫權陸口守將魯肅卒權以呂蒙

代之

戊戌二十三年夏四月劉備擊張郃不克

張魯降操。操畱郃與夏侯淵等守漢中。備攻郃等不克。急書發益州兵。諸葛亮以問楊洪。洪曰：「漢中益州咽喉，若無漢中，則無蜀矣。此家門之禍也。」發兵何疑？
己二十四年春三月，曹操出斜谷，劉備將趙雲擊其軍，敗之。夏五月，操引還，備遂取漢中。

操自臨漢中，備歛衆拒險，終不交鋒。雲將數十騎輕行出圍，值操揚兵大出，雲遂前突其陣，且鬪且却。魏兵追至營下，雲入營開門，偃旗息鼓。魏兵疑雲有伏，

引去雲以勁弩射魏兵，魏兵驚駭，自相蹂踐，墮水中死者甚衆。備明日至雲營，視昨戰處，曰：「子龍一身都是膽也。」操引軍還，備遂有漢中。

秋七月，劉備自立爲漢中王。

冬十月，孫權使呂蒙襲取江陵。曹操帥師救樊，關羽走還，權邀斬之。十二月，蒙卒。

羽攻曹仁於樊，操遣于禁助仁。所督七軍皆沒，禁降羽，又斬將軍龐德。羽威震華夏，操議徙許都，以避其銳。司馬懿曰：「劉備孫權外親，內疎，羽得志，權必不願。」

可遣人勸權躡其後許割江南以封權則樊圍自解先是權遣使爲其子求昏於羽羽罵其使不許至是蒙請襲羽稱疾篤還薦陸遜以自代遜至陸口爲書與羽深自謙抑爲盡忠自託之意羽意大安權遂發兵令蒙先行操遣徐晃救仁攻羽破之羽撤圍退蒙至尋陽盡伏其精兵鱣鱣中使白衣搖櫓作商賈人服晝夜兼行入江陵釋禁得羽及將士家屬皆撫慰之馬忠獲羽及其子平俱被害遂定荊州權復以劉璋爲益州牧尋卒蒙未及受封疾發亦卒○鱣鱣音溝鹿

船名

以孫權爲票騎將軍領荊州牧

權上書稱臣於曹操稱說天命操以示外曰是兒欲踞吾著爐火上邪陳羣等皆勸操宜正大位操曰若天命在吾吾爲周文王矣

庚子二十五年魏文帝不春正月丞相冀州

牧魏王曹操還至洛陽卒太子丕嗣自爲

丞相冀州牧

二月魏立九品法置州郡中正

尚書陳羣以天朝選用不盡人才乃立九品官人之法州郡皆置中正擇有識見者爲之區別人物第其高下

冬十月魏王曹丕稱皇帝廢帝爲山陽公

改元黃初追尊操曰武皇帝廟號太祖

後漢紀

姓劉氏景帝子中山靖王勝之後都蜀凡二君得年四十

有三○蜀今

四川成都府

昭烈皇帝

諱備字玄德在位三年

卷之三

漢昭烈帝

三

辛丑 章武元年夏四月漢中王卽皇帝位

蜀中傳言漢帝見害先主乃發喪制服追諡曰孝愍皇帝羣下勸王稱尊號乃卽帝位以諸葛亮爲丞相許靖爲司徒

孫權徙治武昌

今屬湖廣

秋七月帝自將伐孫權

帝耻關羽之歿自將伐權車騎將軍張飛雄壯威猛亞於羽魏謀臣程昱等咸稱羽飛萬人之敵也飛愛敬君子不恤小人曰鞭撻健兒至是飛率萬人會江

州踰發其帳下張達范
彊殺飛持其首奔權

八月孫權遣使降魏魏封權爲吳王

權遣使稱臣於魏魏遣邢貞奉策拜權
爲吳王權出都亭候貞貞入門不下車
張昭曰君敢自尊大豈以江南寡弱無
方寸之刃乎貞卽下車中郎將徐盛忿
憤謂同列曰盛等不能奮身出命爲國
家并許洛吞巴蜀而令吾君與貞盟不
亦辱乎因涕泣橫流貞聞之曰
江東將相如此非久下人者也

冬十月孫權遣使如魏

權遣趙咨謝魏。魏主丕問曰：「吳王何等主？」對曰：「聰明仁智，雄略之主也。」魏主問其狀，對曰：「納魯肅於凡品，聰也；拔呂蒙於行陣，明也；獲于禁而不害，仁也；取荊州而兵不血刃，智也。據有三州，虎視四方，雄也；屈身於陛下，略也。不曰：『頗知學乎？』」對曰：「吳王任賢使能，志存經略，餘閒博覽書史，然不效書生尋章摘句而已。」丕曰：「吳可征不？」對曰：「大國有征伐之兵，小國有備禦之固。」丕曰：「吳如大夫者幾人？」對曰：「聰明特達者八九十人。」如臣之比，車載斗量，不可勝數。

壬寅

二年

吳王權黃武元年

夏六月吳陸遜進攻猓

亭諸軍敗績帝還永安

帝自巫峽建平連營至夷陵界立數十屯與吳相拒數月遜以火攻拔之帝夜遁入白帝城諸葛亮歎曰孝直若在必能制主上東行就使東行必不傾危矣

○孝直

法正字

冬十月吳王權改元拒魏

癸卯三年

帝禪建興元年

春魏師攻濡須別將圍江

陵皆不克引還

初丕問賈詡曰吾欲伐不從命以一天
下吳蜀何先對曰攻取者先兵權建本
者尚德化吳蜀雖小國劉備有雄才諸
葛亮善治國孫權識虛實陸遜見兵勢
皆難卒謀也用兵之道量敵論將臣竊
料羣臣無備權對丕不納軍竟無功

夏四月帝崩於永安丞相亮受遺詔輔政
五月奉喪還成都太子禪卽位封亮爲武
鄉侯領益州牧

帝病篤謂亮曰君才十倍曹丕必能安
國終定大事嗣子可輔輔之如其不才

君可自取亮涕泣曰臣敢不竭股肱之力效忠貞之節繼之以死帝又詔敕禪曰勿以惡小而爲之勿以善小而不爲惟賢惟德可以服人汝父德薄不足效也吾亡之後汝父事丞相帝崩亮奉喪還成都太子禪卽位政事咸取決於亮亮嘗自校簿書主簿楊顓諫曰爲治有體上下不可相侵故丙吉不問死人陳平不知錢穀誠達於位分之體也今明公躬校簿書不亦勞乎亮謝之

六月益州郡耆帥雍闓等以四郡叛

闓殺太守求附於吳又使郡人孟獲誘扇諸夷并牂牁越嶲皆叛應闓

秋八月遣尚書鄧芝使吳

吳王權見之芝曰大王命世之英諸葛亮一時之傑蜀有重險吳有三江共爲唇齒進可并兼天下退可鼎足而立今若委質於魏魏必求太子內侍若不從命則奉辭伐叛蜀亦順流見可而進江南之地非復大王有也吳遂絕魏專與漢連和

後皇帝

諱禪字公嗣昭烈太子在位四十年

建興三年春三月丞相亮南征

亮率衆討雍闓等問計於參軍馬謖謖曰用兵之道攻心爲上攻城爲下心戰爲上兵戰爲下願公服其心而已亮納其言亮至南中斬闓等孟獲素爲夷漢所服收闓餘衆拒亮亮募生致之旣得使觀營陳間獲曰向者不知虛實故敗乃縱使更戰七縱七擒而亮猶遣獲獲止不去曰公天威也南人不復反矣

夏五月魏主丕以舟師伐吳

丕臨江觀兵吳人嚴兵固守丕見波濤洶湧歎曰固天所以限南北也乃還

丙午四年夏五月魏主丕卒

廟號世祖

初郭后無子不使母養平原王叡叡母甄夫人被誅故未建爲嗣丕與叡獵見子母鹿旣射其母命叡射其子叡泣曰陛下旣殺其母臣不忍復殺其子丕爲之惻然及是疾篤遂立爲太子召曹真陳羣司馬懿並受遺詔輔政叡卽位

丁未五年

魏明帝叡太和元年

春三月丞相亮率諸軍

出屯漢中以圖中原

亮臨發上疏曰親賢臣遠小人此先漢所以興隆也親小人遠賢臣此後漢所以傾頽也先帝三顧臣於草廬之中諮臣以當世之事臨崩寄以大事受命以

來夙夜憂勤恐付託不效故五月渡瀘
深入不毛今南方已定當獎率三軍北
定中原興復漢室此臣所以報先帝而
忠陛下之職分也遂行○瀘水名在四
川行都司城南其
水深廣而多瘴

戊申六年春正月丞相亮伐魏戰於街亭敗
績詔貶亮右將軍行丞相事

亮身率軍攻祁山魏遣張郃督兵拒亮
亮使參軍馬謖督諸軍與郃戰於街亭
謖違亮節度大爲郃所破亮乃拔西縣
千餘家還漢中謖才器過人亮深加器

異先主臨薨謂亮曰謾言過其實不可
大用君其察之亮未以為然引謾參軍
事每與談論自晝達夜至是乃收殺之
而白臨祭為之流涕上疏請自貶三等

冬十二月右將軍亮伐魏圍陳倉不克還

亮上言曰先帝以漢賊不兩立王業不
偏安故託臣以託賊臣鞠躬盡力死而
後已至於成敗利鈍非臣之明所能逆
覩也復出散關圍陳倉曹真拒之糧盡
而還魏將王雙追
亮亮與戰斬雙

配七年

吳黃龍元年

夏四月吳王孫權稱皇帝

秋九月吳遷都建業

今江寧府

庚戌八年冬十二月丞相亮以蔣琬為長史

亮數外出琬常足食足兵以相供給亮每言公琰託志忠雅當與吾共贊王業

者也○公

琬字

辛亥九年春二月丞相亮伐魏圍祁山○夏

五月亮敗魏司馬懿於鹵城殺其將張郃

亮聞祁山懿餒軍依險兵不得交亮引還懿躡其後至鹵城又不肯戰賈詡魏

平曰公畏蜀如虎奈天下笑何懿乃出戰大敗亮以糧盡退軍懿遣邵追之邵中伏弩卒李嚴督運恐糧不繼遣參軍諭指呼亮來還亮既退軍嚴乃更言糧足何爲而退欲殺督運以解不辦之責亮表其前後過惡削爵土徙梓潼郡
○嚴更名平

壬子十年

吳嘉禾元年

癸丑十一年

魏青龍元年

甲寅

十二年春二月丞相亮伐魏

初亮作木牛流馬運米集斜谷至是率衆十萬由斜谷伐魏司馬懿引軍渡渭背水爲壘以拒之謂諸將曰亮若西止五丈原諸將無事矣亮果屯五丈原分兵屯田爲久駐之基耕者雜於渭濱居民之間而百姓安堵軍無私焉。木牛流馬皆以木爲之以機行止

秋八月丞相武鄉侯諸葛亮卒於軍長史楊儀引軍還

時懿與亮相持百餘日亮數挑戰懿不出亮乃遺懿巾幘婦人之飾使者至懿

軍懿問其寢食及事之煩簡而不及戎
事使對曰諸葛公夙興夜寐罰二十已
上皆親覽焉所噉食不至數升懿告人
曰孔明食少事煩其能久乎亮病卒於
軍儀整軍而出百姓犇告懿懿追之姜
維令儀反旗鳴鼓若將向懿者懿不敢
逼百姓爲之諺曰死諸葛走生仲達懿
聞之笑曰吾能料生不能料死故也亮
嘗推演兵法作八陣圖軍退懿案行其
營壘處歎曰天下奇才也諸軍還成都
諡亮曰忠武長史張裔常稱曰亮賞不
遺遠罰不阿近爵不可以無功取刑不
可以貴勢免此賢愚所以僉忘其身者
也○巾幘婦人喪冠以天地風雲爲四

正以龍虎鳥蛇爲
四奇所謂八陣也

以蔣琬爲尚書令總統國事

時新喪元帥遠近危悚琬旣無戚容又
無喜色神守舉止有如平日繇是衆望
漸服

丁巳十五年

魏景初元年

冬十月魏作考課法不

果行

魏主詔吏部尚書盧毓曰選舉勿取有
名名如畫地作餅不可啖也毓對曰名

不足以致異人而可以得常士常士畏教慕善然後有名非所當疾也但當有以驗其後耳詔劉邵作都官考課法七十二條下百官議崔林曰考課之法在乎其人若大人能任其職式是百辟孰敢不肅焉在考課哉杜恕曰世有亂人而無亂法若使法可專任則唐虞不須稷契之佐殷周無貴伊呂之輔矣議竟不行

戊午

延熙元年

吳赤烏元年

己未

二年春正月魏主叡卒太子芳立

年八歲

庚申三年魏主芳正始元年

辛酉四年夏四月魏置淮南北屯田廣漕渠

魏欲廣田蓄穀於揚豫之間尚書郎鄧艾以爲昔太祖破黃巾因爲屯田積穀許都以制四方今三隅已定事在淮南陳蔡之間上下田良可令淮北屯二萬人淮南屯三萬人且田且守益開河渠以增灌溉通漕運計除衆費歲完五百萬斛六七年間可積三千萬斛此則十萬之衆五年食也以此乘吳無不克矣司馬懿善之是歲始開廣漕渠每東南有事大軍泛舟達於江淮資食有儲而

無水

害

乙丑八年冬十二月尚書令董允卒以宦者黃皓爲中常侍

允秉心公亮皓便辟佞慧有寵畏允不敢爲非終允之世位不過黃門丞費禕以選曹郎陳祗代允爲侍中祗與皓相表裏皓始預政遷中常侍操弄威柄終以覆國

丁卯十年春二月魏遷其太后於永寧宮

大將軍曹爽用尚書何晏謀遷太后擅
朝政司馬懿不能禁稱疾不與政事

已十二年

魏嘉平元年

春正月魏司馬懿殺曹

爽及何晏等夷其族

九年冬李勝出爲荊州刺史爽等令勝
辭懿并伺察焉懿令兩婢侍持衣衣落
指口言渴婢進粥懿持盃飲粥流沾臂
陽爲昏謬誤以荆爲并者再勝退告爽
曰司馬公尸居餘氣不足慮矣故爽等
不復設備十年正月魏主芳謁高平陵
爽與弟羲訓彥皆從懿與子師昭謀以
皇太后令閉諸城門勒兵據武庫奏爽

亂國典僭擬專權宜罷吏兵以候就第
使爽所親信說爽宜早自歸罪唯免官
而已懿以太后令召司農桓範範南奔
懿謂蔣濟曰智囊往矣濟曰駑馬戀棧
豆必不能用也範說爽使車駕幸許昌
招外兵爽猶豫未決曰我不失作富家
翁範哭曰曹子丹佳人生汝兄弟犢耳
何圖今日坐汝等族滅矣爽奉駕還宮
懿發吏卒圍守之奏爽與桓範及鄧颺
等謀逆夷三族初晏聞平原管輅明術
數請與論易颺在座謂輅曰君自謂善
易而語不及易中詞義何也輅曰夫善
易者不言易也晏笑而贊之曰可謂要
言不煩因謂輅曰試爲作一卦當至三

公不輅曰君侯位重山岳勢若雷電而懷德者鮮威畏者衆殆非小心翼翼多福之仁願君侯哀多益寡非禮不履然後三公可決也颺曰此老生之常譚輅曰老生者見不生常譚者見不譚輅舅聞之責其言太切輅曰與死人語何所畏邪晏好老莊書與夏侯玄荀粲王弼之徒競爲清談祖尚虛無謂六經爲聖人之糟粕由是士大夫慕效之遂成風流不可復制○尸居如死尸之居世無能爲也棧馬阜也豆所以飼馬曹真字子丹爽父佳人猶言佳士犢牛子

辛未十四年

吳大元

秋八月魏太傅司馬懿

卒其子師自爲撫軍大將軍錄尚書事

壬十五年

吳主亮建興元年

夏四月吳主權卒太

子亮立

癸酉十六年春正月盜殺大將軍費禕

初姜維攻魏西平獲中郎將郭循以爲左將軍循欲刺帝不得近至是禕與諸將大會歡飲沉醉循刺殺之

夏四月姜維伐魏圍狄道

維負其才武每欲大舉費禕嘗裁制不從與兵不過萬人曰丞相猶不能定中夏况吾等乎及禕死維遂將數萬人伐魏糧盡引還

甲十七年魏主髦正元元年秋九月魏司馬師廢

其主芳爲齊王遷之河內冬十月迎高貴

鄉公髦立之

髦明帝弟子東海定王霖之子也

乙亥十八年春正月魏大將軍司馬師卒二

通鑑纂要
月師弟昭自爲大將軍錄尚書事

丙十九年
魏甘露元年
吳太平元年

冬十月魏以盧毓爲司空

毓固讓司隸校尉王祥詔不許祥至孝
徐州刺史呂虔檄爲別駕委以州事政
化大行時人歌之曰海沂之康實賴王
祥邦國不空別駕之功○沂水在東海
故曰海沂

丁丑二十年夏六月姜維伐魏

於時軍旅數出百姓彫瘁譙周與尚書
令陳祗論其利害退而書之謂仇國論

戊寅景輝元年吳主休永安元年秋九月吳孫綝廢

其主亮為會稽王冬十月迎立瑯琊王休

休以綝為丞相封兄子皓為烏程侯亮尋自殺

十二月吳孫綝伏誅

綝奉牛酒詣休休不受齋詣張布酒酣
出怨言曰帝非我不立今上禮見拒是
與凡臣無異當復改圖耳布以告
休銜之因獵會斬之銜憾也

庚三年

魏元帝免景元元年

夏五月

魏司馬昭弑其

主髦於南闕下尚書王經死之

魏主髦見威權日去召尚書王經等謂曰司馬昭之心路人所知也當自出討之經諫不聽髦遂拔劍升輦率殿中宿衛蒼頭官僮鼓噪而出中護軍賈充入與髦戰於南闕下太子舍人成濟抽戈刺髦殞於車下昭召羣臣會議謂尚書僕射陳泰曰玄伯卿何以處我泰曰獨有斬充少可以謝天下耳昭曰更思其次泰曰惟有進於此者不知其次昭乃不復言收經及其家屬付廷尉經謝其

母母笑曰人誰不死正恐不得其所以此并命何恨之有及就誅哀動一市昭言成濟大逆不道夷三族○立伯泰字并命言與其主竝死也

六月魏主奐立

奐燕王宇之子本名璜封常道鄉公司馬昭迎立之更名奐年十五矣

壬午五年冬十月魏司馬昭殺中散大夫嵇康

康與陳畱阮籍籍兄子咸河內山濤河南向秀瑯琊王戎沛人劉伶時相友善

號竹林七賢皆崇尚虛無輕蔑禮法縱
酒昏酣遺落世事籍爲步騎校尉母卒
籍方與人圍碁對者求止籍畱與決賭
旣而飲酒二斗舉聲一號吐血數升毀
瘠骨立伶嗜酒嘗乘鹿車攜一壺酒使
人荷鍤隨之曰死便埋我當時士大夫
爭慕效之謂之放達司隸校尉鍾會
有寵於昭聞康名而造之康箕踞而鍛
不爲之禮會將去康曰何所聞而來何
所見而去會曰聞所聞而來見而見而
去會遂銜之因譖康言論放蕩害時亂
教昭殺之康嘗詣隱者孫登登曰子才
多識寡難乎免於今之世矣○鍛
小治椎之而已不消故曰小治

癸未炎興元年秋魏遣鄧艾鍾會將兵入寇關口守將傅僉死之姜維戰敗還守劍閣冬十月魏司馬昭始稱相國晉公受九錫衛將軍諸葛瞻及鄧艾戰於綿竹敗績及其子尚皆死之

時維守劍閣會攻之不能克乃鑿山通道造作橋閣山高谷深艾以璫自裏推轉而下將士皆攀木緣崖魚貫而進瞻督諸軍拒艾戰於綿竹艾大破之斬瞻

通鑑纂要卷七
三
瞻子尚策馬

冒陳而死

鄧艾至成都帝出降皇子北地王諶死之

漢亡

艾入譙周請降諶怒曰若理窮力屈禍敗將及便當父子君臣背城一戰同死社稷以見先帝奈何降乎帝不聽諶哭於昭烈之廟先殺妻子而後自殺帝率羣臣降姜維等得帝敕命亦降

甲申

魏咸熙元年吳主皓元興元年春正月魏以檻車徵

鄧艾鍾會謀反伏誅監軍衛瓘襲艾殺之

艾在成都頗自矜伐欲因平蜀之勢乘
吳司馬昭使瓘喻艾事當須報不宜輒
行會有異志因艾乘制專事乃與瓘密
白艾有反狀詔以檻車徵之瓘至成都
收艾父子置之檻車送赴京師會所憚
唯艾艾既就擒決意謀反會郭太后卒
會乃悉召諸將爲太后發哀稱遺詔使
會起兵廢昭姜維欲使會盡殺北來諸
將已因殺會盡坑魏兵復立故漢帝會
猶豫未決護軍胡烈子淵率軍士斬會
及維艾本營將士追出艾於檻車迎還
瓘自以與會共陷艾恐其爲變乃遣護

軍田續襲艾

父子斬之

三月魏晉公昭自進爵爲王

太尉王祥司徒何曾司空荀顗共詣晉王顗謂祥曰相王尊重今日便當相率而拜祥曰王公相去一階而已安有天子三公可輒拜人者及入顗拜而祥獨長揖昭謂祥曰今日然後知君見顗之重也

魏封故漢帝禪爲安樂公

禪舉家遷洛陽惟秘書令郤正從行昭問禪曰頗思蜀否禪曰此間樂不思蜀

也正聞之謂曰若王復問宜泣而答曰
先人墳墓遠在岷蜀乃心西悲無日不
思因閉其目會昭復問禪對如前昭曰
何乃似卻正語邪禪驚視曰誠如尊命
左右皆笑之


秋七月吳主休歿烏程侯皓立

吳人以蜀初亡恐懼欲得
長君故舍太子暉而立皓


通鑑要卷七

通鑑綱目卷之

四







通鑑
纂要

DS

735

A2Y36

1761

v.5-6